

Autorski tekst komandanta Štaba NATO za BiH

Znaju li građani BiH dovoljno o privilegijama koje pruža NATO?

Vlasti u BiH na državnom nivou iskazale su svoje opredjeljenje da doprinesu i globalnom miru i sigurnosti, šaljući pripadnike Oružanih snaga BiH u misiju uspostavljanja mira u Iraku, te NATO-u operaciju ISAF u Afganistanu. To je između ostaloga, uz sve do sada provedene reforme i usvojene zakone, i jedan od ključnih dokaz da zaista i žele postati punopravnom članicom Saveza.

U Bosni i Hercegovini postoji širok konsenzus vezan za pristupanje ove zemlje u punopravno članstvo NATO-a. Ovo je poruka koju su uputili, svako iskazano na svoj način, i članovi novog saziva Predsjedništva BiH, inaugurisanog krajem prošle godine: Bakir Izetbegović, Nebojša Radmanović i Zeljko Komšić.

Najuspješnije reforme

Vlasti u BiH na državnom nivou iskazale su svoje opredjeljenje da doprinesu i globalnom miru i sigurnosti, šaljući pripadnike Oružanih snaga BiH u misiju uspostavljanja mira u Iraku, te NATO-u operaciju ISAF u Afganistanu. To je između ostaloga, uz sve do sada provedene reforme i usvojene zakone, i jedan od ključnih

dokaz da zaista i žele postati punopravnom članicom Saveza.

Proces uspostave i reformira Oružanih snaga BiH primjer je zasigurno jedne od najuspješnijih reformi u BiH. Radilo se o veoma složenom procesu, za šta je bilo potrebno mnogo optimizma, vizije, odlučnosti i strpljenja. Na isti način, i sam proces pristupanja BiH Sjeveroatlantskom savezu je složen, i iziskuje brojne, ponekad za neke i bolne kompromise koje su političari ove zemlje svjesni da moraju prihvatiti, ako ne zbog sebe, a onda prevashodno zbog građana koji su ih i izabrali da ih vode naredne četiri godine. Jer, onima koji su im podarili svoje glasove duguju bolju, sretniju i sigurniju budućnost.

Političari, odnosno svi ko-



Brigadni general David Eneart komandant Štaba NATO u BiH

ji su u vlasti znaju vrlo dobro šta za BiH znači punopravno članstvo u NATO-u, jer su se kroz brojna putovanja i posjete sjedištu Saveza u Briselu, kao i kroz razgovore sa predstavnicima zemlja koje su već naše članice, već imali prilike upoznat detaljnije.

No, da li i svi građani ove zemlje znaju dovoljno o, da ih tako nazovemo, privilegijama koje donosi ulazak u najveću vojno-političku porodicu na svijetu? I kakve promjene u njihove živote i svakodnevnicu će to unijeti? Da li će im taj korak pružiti šansu da bolje i sigurnije žive?

Građane ove zemlje treba educirati o tome šta znači pristupanje BiH NATO-u. Putem

javnih glasila, letaka, predavanja, prikazivanjem edukativnih filmova, te raznim vrstama javnih događaja, pokazalo bi im se i predstavilo, šta ustvari ne samo njihovoj državi, već i njima pojedinačno, donosi ulazak BiH u NATO.

Takav pristup vođenja kampanje, odnosno spuštanja ovog iznimno važnog, mogu se slobodno usuditi reći sudbinskog pitanja za BiH, među građane, razbio bi svu dosadašnju famu, nepovjerljivost i nepoznavanje ove problematike. Bile bi riješene brojne nedoumice koje se sada sasvim opravdano javljaju, zbog nedovoljne upućenosti i informiranosti Bosanaca i Hercegovaca.

Ispunjenje zahtjeva

Uvjeren sam da ova zemlja i njeni političari mogu i hoće ispuniti zahtjeve koji su posta-

vljeni pred njih. Želim da vjerujem, kako ćemo se vrlo brzo, pripadnicima Oružanih snaga BiH svi mi obraćati kao vojnicima koji, osim što časno služe svojoj zemlji, služe i globalnim mirovnim i sigurnosnim ciljevima NATO Saveza, odnosno kao vojnicima NATO-a.

Prije četiri godine BiH je izrazila spremnost da preuzme obaveze i prava koja podrazumijeva članstvo u evroatlantskoj porodici slobodnih i demokratskih država, pristupanjem NATO programu Partnerstvo za mir. Pristupilo se tada korjenitim reformama, s ciljem integracije BiH u evroatlantske strukture, čime je vaša zemlja još jednom pokazala da je odgovoran partner, spremna da dijeli teret današnjih sigurnosnih izazova.

No, po svemu sudeći to nije dovoljno. Vaši političari spr-

emni su prihvatiti izazove, no da li ste vi, kao građani dovoljno informirani o svemu? Da jeste, zasigurno neki od vas ne bi gledali na NATO negativno, iako su takvi, prema onome što sam imao prilike do sada vidjeti u manjini. Naprotiv, zahtjevali bi od političara da ovaj proces ubrzaju, a ne da zadržavaju status quo koji vas nigdje ne vodi.

Uopredno sa ispunjavanjem preostalih uvjeta, kao što je pitanje vojne državne imovine, što je isključiva odgovornost političara, treba raditi i na educiranju građana o značaju NATO-a za BiH.

Građani su se imali prilike uvjeriti se za ovo kratko vrijeme, šta znači i kakve privilegije, počev od osjećaja slobode, za njih ima bezvini režim.

Razumljivo je da se ljudi boje nepoznatog, i stoga dijelom mišljenje i stav svih onih koji su za educiranje građana o NATO-u i onome što Savez nudi BiH od onoga dana kada postane punopravnom članicom. Građani imaju pravo znati sve što se tiče sudbine njihove zemlje i njih samih. Stoga, zasudimo ruke svi zajedno, i fokusirajmo se na to šta će BiH donijeti ulazak u NATO. To je obaveza svih nas.

Brigadni general Dejevid Eneart (David Eneart) komandant je Štaba NATO u Bosni i Hercegovini

Privlačenje stranih investitora

Članstvo BiH u Sjeveroatlantskom savezu donosi njenim građanima sigurnost, stabilnost i prosperitet. Zemlja koja je članica NATO-a povoljan je teren i za strane investitore, koji bi rado došli u vašu zemlju ovoga trena i realizirali velike investicije čime bi se ekonomija dobro oporavila a privreda oporavila, ali im nikom barem za sada, ne može garantirati 100-postotnu sigurnost. Zato, nemojte se čuditi

što ih nema dovoljno, ili što oni koji su se okušali na ovim terenima, već povlače svoj novac ili pak proizvodnju u sigurnije države.

Samo stvaranje povoljnog i sigurnog ekonomskog ambijenta može omogućiti otvaranje desetina hiljada novih radnih mjesta, podići standard svakog građanina, i spriječiti odlazak mladih ljudi iz ove zemlje koji su izgubili vjeru u bolju i svjetliju budućnost.

Članstvo u NATO-u znači sigurnost

Sigurnost, stabilnost i ekonomski prosperitet su konkretne koristi koje će vaša zemlja imati prijemom u NATO. Ako jednoga dana, a ja se iskreno nadam da će to biti vrlo brzo, u Bosni i Hercegovini vidite predstavnika najjačih svjetskih firmi, ili pak tvornice svjetskih brendova u kojima ćete se vi zaposlivati, to će značiti da je

ova zemlja na pravom putu. NATO sigurno ne bi bio ovdje, da ne vjeruje kako će BiH postati njegovom punopravnom članicom.

Članstvo u NATO-u znači sigurnost, i zato smo svi mi, dakle i vaši političari, ali i predstavnici Saveza, dužni da vam pojasnimo kakav značaj pristupanje BiH Savezu ima.